

退

菴

詩

存

退菴詩存卷十七

福州梁章鉅蔭林

庚寅人日招程春海祭酒陳芝椿觀察游石湖

難得靈辰值居然勝踐諧波分胥口濶山到上方佳竹密
憑僧護茶清與俗乖行春橋畔望生意已盈蓂

前證楞伽義還來訪治平堯峯青未了禹罕翠相迎招隱

茲邦古圖經謂范蠡從此入五湖懷賢我輩并記曾復祠地喚醒此間

儉有侵范文穆祠址者曾指示吳縣令判復之

秀挺三吳傑名齊萬笏高雲霞自舒卷烟水極周遭不礙

樓臺起猶兼鉛槧勞草堂一徙倚巾幘愧吾曹

仙侶同舟去橫塘路幾灣畫中還讀畫舟中以宋元字畫數種求祭酒審定

山外更看山薄酒如交淡粗官此暇艱各游須有託鴻筆

莫吾慳時祭酒方戒詩送以游記屬之

正月二十六日陳芝楨觀察招同程春海祭酒汪寅

禾編修世樽探梅鄧尉得截句二十首

忙日偷閒入畫圖鷓鴣聲裡雨如酥隔舟勝侶知來否已

代山靈拍手呼先一日雨勢未止春海意不果行而余決意往遊遂冒雨先登舟並伴約同人乃以

次續

三九橫塘水驛開夜深木瀆黑雲堆瀟瀟蓬背吳姬曲夢
到晴光徹曉來

西崦迷濛東崦晴虎山橋畔塔尖明筍輿更比蘭橈好收
得香風撲面迎

平明至光福舍舟而瞻朝曦已開矣

行過時崦嶺嶙峋始信仙靈窟宅真莫問銅阬辨銅井四
圍嵐翠總宜人

銅井銅阬是一是二詢之土人亦無定論

古柏森森果絕倫司徒廟裡幾經春巧從雪北香南界現
出支離四大身

司徒廟在青芝山北廟中古柏四株分題清奇古怪四名

抵得羅浮四百峯吾家山下萬千重邇來清淺生寒綠幻

遇菴詩存卷十七

二

出花天景更濃

吾家山下卽宋商邱中丞所題香雪海處近年山民已漸以桑易梅白綠相間亦復

可觀

香爲世界玉爲塵儘與湖山寫淨因踏徧菖蒲潭上路磨

崖合仿朱縣津

近年梅花菖蒲潭最盛殆不亞昔時之香雪海矣

竒絕潭西着色花花畦十里爛朝霞仙山本是藐姑射恰

好招來萼綠華

潭西居人分畦種梅獨得不傳之秘能使紅綠相間一望如錦屏蘇州城中盆梅皆

從此移植者

花影湖光面面環六浮閣對六浮山如斯勝境沉榛莽寧

負名流墨瀋班

六浮閣在查山之陽可望太湖閣扁爲朱竹垞所題歲久不修矣

選勝探幽不計程翠鬟缺處鏡光明米堆山下錢家礪幸

免花噴喝道聲

米堆山路折處皆與太湖相傍

西磧西頭石壁開蟠螭作勢飲湖隈蓬瀛已落芒屨底誰

似鴟夷去不回

蟠螭山前平臺近倚湖濱石壁在其後

翠屏正對四宜堂詩老魂當戀此鄉

漁洋山正當聖恩寺前王文簡居易錄云

順治辛卯鄧尉梅花盛開遂輕舟入太湖口自光福元墓畱宿聖恩寺四宜堂因自號漁洋山人

山水方

滋到吾輩重應石谷畫漁洋

王石谷有漁洋山莊圖

莫釐縹緲翠重重一閣全收八九峯玉柱金庭多俶詭等

閒影入酒杯濃

選元閣面對太湖是日午飯於此

退菴詩存卷十七

漢尉高風不記年

鄧尉山相傳漢有

齊東宦蹟亦無傳

元墓

山相傳東晉青州刺史郁泰元葬此故名今墓碣尚存

姓名已共青山永園綺何須

較後先

真山中有假山胎芥子須彌至理該

鄧尉山陰

同是太湖

奇特品想經泮水蕩搖來

元墓之傍有奇石似太湖石天然嵌空俗謂之真假山

一樓同聽亦前期故實無煩叩導師萬壑聲沉衆山應香

光帖與阮亭詩

法華鐘樓在聖恩寺左余新購得董文敏募建鐘樓小景云此鐘一鳴則太湖衆山

普聞云云卽其事也王文簡宿還元閣詩霜天欲曉鯨音起萬壑聲從何處求

看花鎮日與花忘花自開時我自忙萬樹無言齊送客五

雲洞口徧斜陽

五雲洞亦在元墓山中俗稱老虎洞

笑兀湖山曠奧間誰家臺榭枕溪灣風流倘接逍遙谷定

許詩人數往還

歸途憩潘氏怡園亦山中一勝境也

晚出名區要寫真祇今大雅仗扶輪

鄧尉不著於古明以前即無詩祭酒編修

皆著作才必能爲各山增重也

主人原是探花客

是游觀察爲主觀察愧以第三人及第故云

我粗官也效顰

三年此願快能酬野步真堪傲列

騶笠澤鼓書云出胥門背朝日行四十里得

野步市日光福撫卹躋攀終二致片帆歸去戒從流

時程汪二君將順途踐觀

察海虞之約余不能從矣

退菴詩存卷十七

耕藉日喜晴有作

星駕歌靈雨雲旂展曉晴東郊陪盛典南國洽歡聲日照
青絃煖泥融黛耜輕天公開畫本生意眼中盈

不有三篙漲何緣萬櫓飛務先天庾急澤益土膏肥解纜
人胥便衝泥客正歸

先是數日冒雨勘視
孟瀆河昨始返棹

莫徒貪帝力時

與切民依

已快甘霖浹還宜宿霧收芳蕙被遙隰新水活平溝麗日

邛邛獵和風樹樹鳩清明雲物好定卜滿車簪

後二日
清明

黍布三吳政居然四度春江山開麗囑簫鼓奏靈辰民欲

天能給時和俗易淳在公箴逸豫庶以答明禋

題徐季雅詩文卷後

文章穆柳詩坡谷嘉道年間又二徐祇惜鵲原嗟宿草不
畱同讀石渠書

謂其伯兄少鶴學士

書李龍眠白描羅漢卷後

右白描羅漢像文休承跋定爲澄心堂紙李龍眠作今
按跋稱十四羅漢而其十三坐石觀二獅者僅有一胡
人二獅無坐石象又次在第四其餘敘次自第一第二
第三外率多不合如所云其四坐石上手持數珠前有

巨蟒者實次第七其五坐斑竹禪椅面古樹者實次第
八自後以次而殺其十一持香坐禪床一女人跪於前
二女人隨侍後者統前坐石觀二獅無羅漢像者計之
實次第十四而倚松觀鹿面壁深巖者實第五第六也
然文跋所敘侍者六童子五胡人九女人四龍王夜叉
各一獅四鹿二蟒一並擎拳曲跽之狀鈴鐸花果之屬
則又無一不符殊不可解紙質堅潔非近代所有筆意
細潤亦非臨摹家所能按前人畫羅漢者如張僧繇盧
穉題貫休皆十六像東坡集有十六羅漢畫贊又有十

八大阿羅漢贊爲蜀金水張氏所畫攷之梵志佛薄伽梵般涅槃時以無上法付囑十六阿羅漢令其護持清波雜志亦載蘇扶攜古畫羅漢十有六求山谷題名號歸宗禪師一見笑曰夜來夢十六僧來挂塔則十六羅漢於古有徵其云十八者不見西域書不知何自起也此卷跋稱十四而像止十三更不知其何本綴敘情狀亦與坡贊異同大抵佛之爲教神通顯示圓滿充實千百億身祇是一身則是十六以至十八廣而爲五百爲八百爲千二百五十爲五千爲九十九萬億其義一也

江西通志載賃休於雲堂院畫羅漢已畢十五從禪定起寫本身以足之則何必不可十四何必不可十三后村集載跋王右丞畫渡海羅漢云此軸應有十六僧今存後三僧則以十三爲十四又何必不作是觀無生滅故無名相有名相卽有生滅可以證禪可以論畫矣已丑之冬有持是卷來者昂其值不售繼有顧厨之厄旋爲趙璧之歸頃者物主復以諗余遂入余篋此亦諸賢劫中一段香火緣也卷前有順治二年七月初二日欽賜大學士臣宋權印記知此物出自內府且當爲

商邱宋氏世守其不脛而走吳中年月殊無可考卷後
有僧無愠及陳永年題字無愠爲徑山詩僧永年爲京
口宿學有懶真集善鑒藏皆明初人也附記於此

龍眠手寫五百應真像白麻紙本誇清河川光樹色互映
發宗門本色描遮那此卷珍儲出 寶笈元臣拜

賜承

思多像宜十六祇十四又缺其一難訂訛諦觀圓相各精
好破除煩惱叅提婆不生無學譯名義五千龍象歸摩訶
是名非名相非相彈指樓閣高嵯峨畫馬入腹心造馬畫

退菴詩存

卷十七

七

佛應亦游乾陀休公夢應幻種種後先妙悟宜同科我初
一再見此本便擬供以蓮鉢熏以多伽羅歸宗挂塔未入
夢顧厨之厄嗟由他豈知銀杯羽化不終化過去劫中攝
盡波旬魔三十六部大藏真經讀未徧憇天那易消炎摩
燈塗香火聊寄桑下戀讚揚文字敢說如東坡

徐星溪協戎

慶趙

滌硯小照

樓船橫海舊銘勲緩帶輕裘又見君一岸綠波朝滌硯滿
堂紅燭夜論文傳來競病真無敵貌入丹青更不羣燕領
虎頭齊省識凌煙高閣佇凌雲

粉社會看細柳開弓刀千騎肅春雷雅歌自有投壺興勝
算何慙聚米才鯨浪先徵問海靖豹幢重指越山來右軍
書法傳曹霸手寫蘭亭日幾回

題諸城劉文正公墨蹟卷

重其人遂重其書卽以書論亦近無爲問當朝幾文正墨

緣眼福豈區區

近題湯文正公墨蹟卷今於此卷中
又獲觀朱文正師遺筆喜而記之

黔西州牧吳蘭雪挈眷過蘇賦此識別

君來江南道君去黔西州憐君鬢斑白薄宦歌遠遊少年
縱飲耽風雅詞賦聲名滿都下是時壇坫蘇齋翁一見詫

爲真健者朱門夜雪促飛箋白社春風壁間掌記我浮沉
人海時尋芳並控燕郊馬丁香虬蟠海棠熾慘綠華顛共
沉醉寶瑟頻從趙女彈錦機漫學秦家製笑擲毛錐忽乞
州出紆艾綬還持刺紅薇無語杏花愁如此才人艱一第
四月蘇臺草似茵五年握手轉情親依然笑兀千秋志珍
此崎嶇萬里身鳳姑花殘綠陰厚絳蠟當筵重語舊屈指
宣南詩事稀故人都作雲離岫君說長安不易居赴官累
復攜妻孥頻番夢到松楸地君將便道展墓小住還尋釣弋徒九
里梅花開未歇又泛湘波弄湖月星斗芒寒鐵遂吹魚龍

氣盛銅弦撥展沉以西山更奇天畀奧勝昌君詩名士當
官必俊異先看文教被荒陲莫等尋常夜郎別爲政爲詩
總相憶若到天涯見雁飛我心正廢香香驛

題林陽谷封翁

賓日

飼雀遺照

少穆方伯尊人

山水契性始觀化游逍遙蘊樸光未耀抗奇志彌超勁竹
森孤清長松盟久要高步出寥廓曠然睎九霄仙人浮邱
生雲路相招邀丹青偶畱迹貞樸寫林皋崇養列五鼎真
樂懷一瓢鴻漸充羽儀鳳鳴應咸韶潛德自昌後笙之在
陰爻作忠念明發令聞永光照

錄別五百字送林少穆服闋入都

鴻鵠志四海飛鳴求其羣
梗枿苗連枝懷抱同輪囷
筮交福寰寓離合看星辰
窮達素心共惟君情最親
論文集衡齋待漏趨紫宸
古誼各敦勸裏言多苦辛
昔我守江漢君方肅豸紳
好風忽吹來隔江作同寅
承流共府主親見臯蘇仁
更欽荒政舉萬戶回陽春
述職京國路從公淮浦濤
袁江一再接分馳感勞薪
奇哉我宦轍惟君履憲遵
分符與假節余備兵淮海及權臬吳中皆承君後交臂頻慇諄
復記維藩初值君過吳中干
夫夾道謹舊澤猶浹淪
出處秉大節忠孝何

所分杯酒話行藏
披肝夜達晨懷哉
一別雨易哉再興雲
相期在宏遠意氣消
哇吟萍波易往復宦
海無停鱗人願天或
從劍合會有神謁

帝赴北闕銜

命游西秦下車曾幾時
大邦果來旬江南盛財賦
聯轄雙价人私喜肺腑交
依如齒與脣西陲有兵事
移旌偶遠巡何期素冠返
乾蔭摧颺輪相逢一哽咽
風雨胥江濱深談各未敢
含意何能伸側聞君里居
所謀不爲身在鄉理鄉事
惠我湖西民農田恃濬蓄
疏濬利在因蜂蠆乃有毒
蜚

語聞 九聞

詔與滌名節堅白無淄磷瀧岡表阡畢遑恤征勞駢君才
實梁棟君望如鳳麟藹然論事懷豈復姪阿倫三吳漸貧
寡所患由不均知君蒿目久周行備諏詢河漕軌未順鹽
綱蠹尤紛

聖心極虛佇回斡須陶鈞斯皆關遠猷一一當敷陳膏雨
滿宙合腐寸先氣氤氳潤復甦枯羣流待彌綸我慙吏才
拙但望德有隣雲龍漫追逐十駕瞻後塵翹翹畏友朋搏
沙那足云行矣亟報稱及此歲未銀各位瀾所樹庶幾重

吾聞

題竟陵鍾氏一門畫冊後

冊後有鍾伯敬自跋其畧云庚申秋在白門病困口不能言與食足不能行身不能眠而獨能持筆作畫畫則反不知病五弟快曰兄蓋以畫爲藥耳予所作凡十小幅時舉家憂惶五弟素好作畫內人吳氏喜畫蘭皆久不言筆墨矣予病起時一作蘭八種一作山水十種益之吾聞再生者舉酒相賀斯又以畫爲酒也欲裝一冊志痛定思痛之思忽忽失去辛酉冬遷閩督學理裝得

之敗簾中絹素不屬如數百年物裱而存之以授姪昭
夏壬戌二月展視題此伯敬畫中各有隱秀軒印吳畫
中各有宜男及小字阿嬌兩印前有潘榕皋農部庚申
四月題字後有蘇齋師己未三月題七古一首

幾重曠輿想文心數剪湘花俊不禁寫盡壘簾琴瑟趣烟
雲供養一家深

對床風雨墨花飛第五之名早息機隱秀軒中清氣集底
須多事作詩歸

阿嬌小印又宜男畫史偏難求庶叅

畫家著錄皆無及吳氏者

似此一

門風味好何如趙管水精庵

曾壓閩溪書畫船古香又與我周旋蘇齋不作三松老卅
載重來締墨緣

爲長洲袁貞女題貞石圖

樓居圖竹栢霜哺憶徽儀

竹栢樓居圖爲貞女之曾祖母
韓節婦事霜哺遺音則節婦之

子廷構所徵題詠
卽貞女之大父也

又見閩貞著方徵世範垂

吳中有袁氏世範操

如松不改心比石難移合與標彤管添題列女詩

報國潛居日懷貞未嫁時情同惟自致義立又何疑能使
澆風挽休憑刻論施自來冰蘖味豈許外人知

周半樵

調梅

擁書圖

會稽貢竹箭南金比高價得也尤絕倫嗜書如噉蔗五千
人崔室三萬儲鄴架既聚復善讀抑然氣彌下門才盛麟
鳳簪組淡能謝委懷在古初未顧時俗訝我亦同此好藉
娛退食暇寶山怵靈威一癡倘許借

錢梅溪以舊藏顏魯公及王文成公二像囑送焦山
敬附二詩軸尾

顏魯公像

河北一書生浩氣如長虹橫當廿四郡終之以匪躬行爲

四科首學亦百氏宗是關直義來固應德符充公書肖其
人公像公書同當時帝不識萬古驚頑聱斗室不敢挂藉
鎮江海衝椒山後千載英風倘來逢

山中舊藏楊
思憲公像

王文成公像

姚江本非禪門徒講心學流歧源自正淵懷稟超卓手扶
天鼎還韜晦避謠譟自漢儒林來經濟生使獨良知致實
用所持極精確拜像凜生敬儼然對先覺景行義有取安
用神道託

梅溪言扶乩者見
公現形因覩爲像

並奉枯木堂風裁企山嶽

程竹盦光祿

邦憲

以綠蔭軒園居卽事詩八首索和

園在上海城隍廟內竹盒
主上海講席因假館其中

瀛壖殷賑會水石有精廬勝蹟馨香近仙人嘯傲餘苔痕
岑外合蘭氣室中舒小住關清福凌雲聽步虛

曲徑層層闢雕欄面面通千章森古翠百堵蔚深紅臺挹
三危露窓迎八達風前游渾似夢省記畫圖中

單車慚膏雨半晌學閒雲氛祲天初定

余以丁亥之秋勘
濬吳淞江小住上

海值大風雨之後禱於城
隍廟因得徧歷東西兩園

仙凡路不分柳塘波瀾澍花隴

雨繽紛且洗風塵眼來看錦繡紋

官職成羈絆無因續舊游珠宮招梵隱金地起神樓邱壑

何能戀林亭不易求空將雲水性浩蕩讓沙鷗

南國文章伯蘭交附德隣九霄題榜舊三徑課耕新灑落

青雲志飛騰白鶴身清詩當去聲招隱奈我未歸人

海上舉比客傳燈作導師論文裁軋茁聽樂正侏離霽月

光風在模山範水宜何妨終歲住風詠見襟期

却話潘園事興衰閤歲年池寬因地廢石老得天全觴詠

情何極漁樵夢未圓用潘方伯豫園記中事卽西園也幅巾羨吾子登頓

尙輕便

一樽心共素三載宦如家臯廡刪新蔓蘇亭補雜花詩篇

渾漫與歲月去難遮要擴西崑集期君興不賒

時將編梓吳中同年

唱和詩

補題伊雲林光祿

朝棟

梅花書屋圖

朝斗巖前冰雪腴風吹春色入蓬壺調梅未竟和羹業
作清門世澤圖

甫曾衝冷踏溪橋銅井銅阬萬玉搖苦憶家山歸未得也

將香雪盡情描

近作鄧尉探梅圖

補題伊墨卿太守晚梅遺照

東閣梅花發幾枝政餘太守合尋詩千秋風雅歐蘇樣重

見紅橋禊飲時

廿年彈指換流光
夢到畱春舊草堂
今日披圖重感逝
一天梅雨暗江鄉

和桂舫尙書種梅書屋落成適舉問梅詩社一百集

紀盛之作

商山洛社各襟期
此意梅花定早知
拓就數弓香界地
寫來四壁草堂詩
編年卷帙耆英重
得閨壺觴瑞應
奇

是舉剛逢

閏月

文字祥開無量壽
彩雲五色映華芝

家聲寒碧世相仍
領袖騷壇夙望曾
倡和從今陋皮陸
交

退菴詩存

卷十七

五

章於世本歐曾老懷更爲林泉健勝事應隨歲月增他日
吳中微故實東山北海要同稱

和程粹庭中丞

祖洛

訓族詩韻

教化敦隆時禮義先貴族樹型首戶庭食德孚戚屬厥功
在蒙穉土中孕嘉穀詩書有彝訓口耳非誦讀悅心過芻
豢附身比衣服不徒淪性靈兼可閑嗜欲中藏矢勉勉外
緣謝逐逐事祇日用恒心必存養熟防意如守城奉身如
執玉懷德景周行懷刑遠岸獄自然和致祥豈虞辟陷僂
窮達壹操持樞機主榮辱末流多驚浮下士少知足不思

蓮由戶但希富潤屋銷金逐歌舞被體豔羅縠自其少習
然賢者移積俗華因踵事增教未因材篤飛蓬問不賓轉
棄布與粟得非父兄過家誠寬似續非無擅通才未免軼
轡錄古人循牆訓僂僂銘醵粥增美在釋回虛心要實腹
出敷荷雲爛處貞香草馥偉哉新安公牙旂歷高齋暫歸
理家政宗黨被薰沐平生體道深衷言吐淵穆雍雍家術
內翼翼朝典肅所期挽澆漓無忝勵晨風東山今再起行
李儉瑣尊贈言如贈車名論繹反覆箴規備勸誠盛衰明
倚伏當懸庠序間用作羣倫勗

題程序伯畫山樓畫冊用冊中陳雲伯韻

潑墨忙中致自閑
仰希陶謝俯荆關
一樓已作千秋想
莫寫愁心山上山

敝廬最近幙亭灘
擁節何如把釣竿
收盡江南香雪海
憑君同向畫中看

齊梅麓太守送唐石佛入焦山屬賦

範銅鑄佛始漢代
造象有記周隋年
五金不用乃用石
例如文翁圖聖賢
吳均小書述崇敬
勝業已在東京前
法輪不壞法相具
彩旛亦入伽藍編
唐永隆間造此象
合門供

奉饗深錫安陽傅氏何職業僅有名字同流傳會昌燬寺
象未毀千春隱見漳河邊嘉慶八年歲癸亥有客攜上揚
州船小琅嬛客三歎息古佛宜伴華陽仙大書深刻紀曰
月親偕賓從來江壩緣何遷延迄未果城根寂寞蕪荒煙
偶經慧眼作功德不惜二萬青銅錢送歸焦山伴周鼎善
果所發今圓全是曰山中有徵兆栴檀香繞伊蒲筵天龍
八部散花雨廣長說法明因緣君不見曇翼改象恃慙惻
孝緒補象由精虔佛非是象象卽佛凡所應感皆自然現
宰官身性根在一毫光燭須彌巔梵書何必搜竺乾喜捨
退菴詩存

何必營福田君之此舉實慧業合十讚歎聞人天住山衲
子夙解事供養日汲東冷泉亟書顛末寄滇海

謂阮芸臺先生

昨

夢江渚生青蓮

賀陶宮保總制兩江卽以送行

興歌到處起春臺

帝命東南節鉞開上相勲名隆保傅真儒懷抱覆瓿家
聲自比八州督人望爭推三代才名榜非公孰相副更占
鼎鉉待調梅

承流四載荷謙沖政有餘閒燕衍同憂樂動關家國際經

猷時見嘯歌中
帆開吉曜心
依日旂展祥雲
德布風一曲
滄浪亭下水
此邦原不隔
崐嶂

漢石經殘字冊

熹平石經小八分

趙明誠語

此字徑圍殊所聞
度以慮僂尺倍

寸冊六石那容紛
綸或疑當塗洛陽
剩神似受禪黃初
文

豈知正始備三體
未可附會邯鄲淳
北平昔詔太邱冊

翁覃

溪師所見陳伯恭本卽此

墨緣忽到藤花軒
巴俊堂印紅未沫
趙晉齋

題鑒豈昏我思宋
摹本鼠腊蓬萊閣
石苔花皴越州刻
卽蓬萊刻靖江王
府名壓存錦官西
樓虹貫斗少城真
影珠

連珉此或殘紙出灰劫歐洪黃董所未捫隄稜起質厚
意流麗之至歸雄渾祖孫雖遠共氣脉斷非近世瓊椎痕
君不見百金一篇十金筆唐家已似瞻星雲唐書鍾傅傳彭
彭肝嘗募求
西京石經厚賜以金揚州人至相語日十金易一筆百金償一篇
世間那有中郎蹟珍取
東京舊虎賁

富海帆中丞舉杯邀月盡卷

明月當頭呼欲鷹酒杯到手寒不冰舉杯邀月月
在席眾星磊磊皆賓朋君不見詩豪李供奉篇篇說酒如酒
頌半生潦倒江湖遊身有仙才安所用公之視李貞絕倫節旄

高擁吳山雲時因官暇發清興清光所到皆陽春憶昔追
隨郎署日花下尊壺岸巾幘雄談偉辨懷抱傾不獨酒兵
推第一自從繡衣渡漳海海上甘棠至今在想見長吟對
混茫海山五色升雲采平生風概尊山嶽畫作酒人聊寄
託卽今南紀入恹懔豈有閒情眷邱壑月能普照酒解憂
部簷得此復何求莫與青蓮平等視羊公裘帶庾公樓

書長洲吳孝婦傳後

國家首教孝刳臂無褒旌懼以毀傷故博此綽楔榮旌典
旣不逮有之始真誠儒紳且良難況茲閭中英卓哉吳孝

婦臂肉金刀搜婦心知有姑不知死與生姑疾幸有瘳事
不求人稱諸郎寸草心乞言世名卿表揚託文字壽以貞
珉貞及今四十載彤管流芳馨側生最幼子昨歲賢書登
詎非母教遺毓此令器成吾忝風化責詩之示閨型悚然
憶慈徽何由貽令名

先慈王太夫人在室時亦有割臂療父事因敬述之

潘功甫秋柳詩畫卷

十年前識潘秋柳宣武坊南剪燭時愛說西湖好風景澹
煙斜月水仙祠

蘇臺重晤亦前因回首春明跡又陳羨爾郊居古臨蠡一

園花木伴閒身

頻年水潦困全吳歌舞繁華似舊無合補蒼翁柳枝曲更

將風俗記姑蘇

汪蒼文有姑蘇柳枝詞

廿年夢隔小西湖短短垂楊獵獵蒲信美他鄉易振觸此
邦故事豔蓴鱸

謝蘊山中丞

啓昆

蘇潭圖卷爲椒石同年作

蘇齋學士奎婁精有齋卽以蘇爲名首傳衣鉢大弟子蘇

潭又作蘇齋擬前圖奚作

周

後者方

薰

花木點綴平泉莊

方畫精能奚畫逸不使尋常鉛赭筆是年嘉慶歲丁巳彈

指星霜三十四膝上佳兒頷有髭手奉雙圖乞題識一圖

自藏行笈中一圖得失如楚弓

詳椒石跋中

如何玉宇瓊樓客

大好家居歸未得行窩仍暑小蘇潭到處清芬述先德憶

昔釋褐初相逢正年少爲說趨庭赴嶺西蘇潭何處託吟

嘯牙旂高捲蒼梧雲故山歸計徒殷勤匪躬蹇蹇盡臣志

雖有泉石無由親披圖忽漫感陳迹海內爭傳樹經集蘇

齋我亦託淵源遺墨重看辦香燕鶴聲一一飛上天畫中

雙鶴猶翛然十人題字二人在

二卷前後題者凡十人爲翁覃溪師秦小峴梁山舟

馮星實陸璞堂錢竹汀姚姬傳錢裴山阮琴歌酒賦思當

芸臺吳蘭雪諸先生今惟阮吳二公尙在

年淮南尚書久持節蓮花博士領州出好寄新篇一和之
萬里南雲望無極

退菴詩存卷十八

福州梁章鉅蒞林

題湯文正公與徐侯齋手書後

書云先生清名滿東南第斌幸獲拜見顏

色竊自以爲不見絕於巢許此宿世有緣也連日捧誦大製覺道氣流行溢於文字之外孤兒詩一篇彌見忠厚悱惻之意令人讀之百回不厭所詰至是敢不敬佩茲賁到拙撰散體二首恤葬一則深憫吳民用意良苦望卽批示末後感望之至肅泐不宣俟齋先生侍右第湯斌頓首謹佈

結習俱精諸坊民各苦心范韓能折節巢許自傾襟豈有

踰垣避如聞式里欽圖經與畫史吾欲訂差參

蘇州府志載公欽徐

高節兩屏騶從訪之山中卒不得見嗟歎而去蓋沿畫徵錄之訛當以此書正之

遺愛不能忘

公有德於吳今胥門江干有華表大書民不能忘二字卽吳民所以報公也

何爭

翰墨長偶然畱片楮亦足想清光自契誠懸正真嗤介甫
忙時流多放筆藉此示周行

喜雨

銀濤萬派地天通都在雷碾鼓盪中似有冰夷舞高際直
教火繖斂長空潛回鳩鵲渾無事迭起蛟龍不自功堪笑
樂巴徒使酒作霖還恃碧翁翁

雨人歡已浹吳儂望歲真期樂歲逢到處軒轅捧珠玉連
朝洗耳飽笙鐘須知下尺同生尺莫又山農傲澤農求雨

由來兼止雨雲端已漏夕陽濃

雨足卽晴尤爲可喜

蘇鰲石太守

廷玉

萬里看山畫卷

撥空蒼翠接邊城日夕看山馬上行
丹筆聲名重郎署青雲事業伴
王程雪消太華三峯出雷動長河萬里晴
眼界崢嶸懷抱濶壯遊從此厭承明

三番典郡最循良燕寢清凝一炷香
繞夢烟嵐新畫本盤胸星斗舊詩囊
重關雲氣當軒卷大壑泉聲入戶涼
爭似江南圖水墨春風到處是甘棠

題吳縣徐氏三賢像冊

明工部侍郎如珂子貢士廷柱從子都督同知樞

敵愾昭武功抗章矢忠義密消梓邦患顯觸奄黨忌被創
幸能全仰藥不忍涕雖虛易名典事定得祠祭至今吳士
民不忘角弓誼傳家有忠孝風節互矜厲鳴冤與殉國各
行所義氣清門二百年世德永弗替

王香湖前後兩夢圖

自記畧云宿臨城驛旅店夜夢

音大士像殿前皆白石爲闌闌外則茫茫大海殿
中誦佛者似有一百八人之語正懽喜越石闌入
而驟寤既復焚換一地紅牆繚繞大士仍坐於殿
東楹地藏佛坐於西楹有烏紗裳服者六七人刻
坐誦經大士謂爾來酬願乎必須沐浴因命小沙
彌引至側廂甫就浴而復寤因作前後兩夢圖

非佛是佛宰官身有夢無夢舍衛國三生因果一再證大

千合掌頌功德霜天古店星半明蒲牢不吼潮音聲旣非
邯鄲道炊黍成公卿亦非天姥峯抗手羣仙迎落伽山前
得津筏妙蓮花朵空中生蒼崖瓊瓏闢琳宇一百八人歡
共語重來樓閣故依然弱海靈山渺何許生平不讀三十
六部大藏經亦不慕一十八座羅漢名非因非想境幻忽
出世入世心光明如云夢見佛凡夜皆有夢何獨臨城驛
舍邊再向檀那叅梵諷如云佛入夢凡夢皆有佛何獨作
此一宿緣後來更不傳巾拂固知佛住忉利天君心自具
大願船以心卽佛心卽佛心光所到偶現虛空禪去來今

一開闔形影神相贈答洗心无垢卽是八德水觀心不動
莫非觀自在憑君言夢我言醒潔已勤民酬願海

前明熊經畧手書東園十詠卷

天啓二年歲壬戌江夏熊公繫請室一勘再勘其可三血

泪淋漓憤填臆當年苟活稱逐臣分作東園老主人

卷尾有東

園主人印

豈期痛哭登車去負此支離物外身是時正人未全

斥每論邊情輒抨擊驅來牛馬聲難暗服罷麒麟禍遂亟
公之初來危遼安公之復起河西殘經臣撫臣勢水火悞
遼悞國涕沆瀾有尸何不畏馬革蒼黃入關計原失不死

封疆死門戶國家焉用此三尺故山回首煙霾昏壯景奇
懷卽禍根不悔歸歟悔重出巖花谷鳥皆煩冤我曾策騎
凌河岸松山杏山接雄觀始知

真人要龍飛驚驤垂頭安足算主兵不罪張鶴鳴同誅不
及王化貞獨笑明廷自顛覆那不萬里驟長城人間刀俎
自難避何怪繫人出閒氣可憐望救不爲身一片墨痕共
酸鼻余舊藏公與人手札一道有云當此四方多事何故
久繫人出閒氣如早救僕非爲僕也爲國家也若爲
僕則僕不望救矣
此當是再勘時語

漁洋山人禪悅圖

圖爲山左桂未谷仿禹鴻臚舊本
蘇齋師題云昔聞山谷如摩詰今

退菴詩存卷十八

匹

識漁洋似老坡依著漁洋寫坡像翻然不似却如何又還向詩中尋抑有詩外事不敢下轉語但恐生滯礙亦師題此圖句也

今人畫阮翁動作坡老擬坡面孰見之離合在空裡漁洋與蠶尾攝之一室邇靈音通九霞大峨豈千里笠屐肖其動跣趺觀其止華嚴法界中共此三昧盲如必以貌求虎賁安取爾卽以詩法論亦復各神理所以復初叟轉語不著紙詩中與詩外斷斷辨絃指背我侍蘇齋軒髯頗俾揣便作邢房觀千秋抑殊軌師貌亦與坡像相似格調非詩心機鋒豈禪髓禪提卽言詮空花那拈蘂庶幾證師偈義竊茗滯比

何有滯礙生明月在流水

摹刻蘇子美畱別王原叔詩蹟於滄浪亭紀事

前年我葺蘇公亭今年我見蘇公書其人遠矣墨猶溼真
宰回幹蛟龍驅濠州長官共淪謫贈詩慷慨情鬱紆酒食
細故乃誣盜小人伺隙如潛狙當年名流一網盡四海偪
仄將安居不平五嶽起方寸腕底如挾神靈俱蘇公之集
宋公槩漫堂中丞曾刊蘇學士集藝林光價爭珍儲寶奎頌字惜滅沒
崇文軒壁誰能摹片楮歛來孰我貺百六十七圓驅珠上
林花開淮月澠書評所見祇皮膚始知自勝沃有得筆中

退菴詩存卷十八

五

之勁腴非枯

王弼州評山谷書勁在筆外公書勁在筆中

集園收自珂玉後

此卷

先入汪珂玉珊瑚網近

菑林見豈蕉林殊

卷前後有吾宗蕉林先生收藏

記棠芝主人更好事據舷不肯私籤櫺以鶴易書亦韻絕

千年墨妙歸中吳

芝楷觀察以鶴從汪易得之時將督運北行遂屬余勒石

我爲摹石

祠廡壁白玉如見肝腸敷

用本詩語

墨緣契合光景會蒼松鱗

甲飛庭隅

明季涇縣朱象先

儀

知嘉定州流賊陷四川州城破

公命舉火妻胡氏子命錫皆死之道光四年雲汀

中丞撫皖始題奉

旌表建坊入祠其族孫蘭坡

同年徵詩紀其事

有明末造賊氛惡東西兩川禍尤酷守土諸公多鬼雄姓
氏流芳光簡牘吁嗟乎當時紀載偶闕疎不見嘉定州牧
涇縣朱臣能殉國兮妻亦殉夫扶創出血紅模糊子既殉
父兮僕亦殉主有僕從死而遺其名踴躍死所爭前驅金蛇騰空霹
靂震從容畢命全家俱杜鵑夜哭劍門道神絃何處迎巴
巫我朝寬大邁前軌勝國遺忠盡尊簋重臣闡幽

天寵新百八十年補禋祀同是特用科公由特用十一人

餘幾瑣聞須擴金風亭陋畧堪嗟彭沈紀朱竹垞靜志居詩話記特用榜

退菴詩存

卷十八

六

死事者徐有聲以下十一人及彭氏
蜀碧沈氏獨難紀畧所載皆不及公
不爲赴關生愁爲守
陣死賊未到時先有勸公棄官赴關者公誓死不去胸中熱血凝不銷散作火雲

亘天紫涇之山崕以崢涇之水激以清祠官翼然栗主闕
舉世知有朱公名吁嗟乎舉世知有朱公名永作萬古孝
子忠臣旌

王香湖以久雨望晴七律索和步原韻

桃花漲到釣磯平又聽江湖決溜聲隔樹鳩鳴多過午分
膝蛙鬧若傳更已瞻麥隴黃雲斂恰喜秧田白水生雨不
厭多農望足自然佳想快時晴

淞浦雙流水患平田歌歡趁雨潮聲河渠利已徵三載暘
雨占還間五更禮家以五更爲五行者村樹青排雲際出海霞紅
向日邊生天心早與民心應敢謂祈晴果得晴

晴已浹旬苦熱復望雨疊前韻示香湖

但祝三階風雨平難忘四野怨咨聲時暘應禱天初定熾
暑行威景又更揮汗都成吳月喘縱眸先望岱雲生年來
習驗田家語誰信朝霞暮也晴早霞暮雨晚霞晴田家古諺也

明知稻水接畦平愛聽簷間斷續聲料事不辭名士笑用庾
冰語王和詩已覺舊題更籲天蒿目中途渴望歲關心上

尺生果可作霖何礙晚人間原重晚來晴

題張仙槎

寶

灘江紀游畫卷

前身莫是徐霞客天下名山果徧游更使前人叉手讓每
逢勝蹟盡圖畱

老去重爲桂嶺行千山金碧夾江明柳州集外閒邱壑洗
出煙霞萬古清

朱邸琴尊歲月遷論交海內富詩篇看君快意驅煙墨始
陋朝陵趙大年

六月火雲冒空赤載將詩畫過江來渺然生我江湖思心

與閒鷗雨不猜

紀文達師九十九研齋第九十九研歌爲陶宮保作

銘云西洞之石今或偶有其出雖新其生已久譬溫太真居第二流之首嘉慶壬戌八月

河間夫子今儒宗選士心期選石同九十九研作齋額慎
餘雅意淵乎冲此研遭逢時獨後計數適當九十九壬戌
之秋始登堂也算吾儕同歲友生雲屋中畫深靜自製銘
辭旌後勁品題曾擬溫太真持贈恰歸陶士行春風回首
二十年法物過眼悲雲煙當年膏馥許分丐他時衣鉢誰
真傳平政堂開政清晏大筆淋漓濡染徧偶從官暇感荒

莊一研崢嶸眼中見嗚呼師意我最知珍重不欲常人貽
此研得所世寶貴他研聲價將同之蟾蜍無言鴈眼活一
縷雲飛霖雨濶如膏之澤沃九州等閒蒸出墨池沫我師
德望尊鼎彝我公勲位肩相隨韓陵片石慎付託埏埴不
負傳薪時愧我散材如斷礫雙瓦亦曾珍手澤殷勤三世
石交堅清望珪璋爭拂拭師曾以瓦當雙研賜草鉅謂三
世石交親此物也承宮保題雙
研冊詩有清
望珪璋之句研乎慶汝所遇優金稜玉海非凡儔誰知九
十有九研翻似人才第一流

王蘭陔中丞

紹蘭

寄示空山古寺殘詩感舊冊次冊

中韻

冊首載大興朱文正師蘇嶺題壁詩
三首後附中丞前後和詩並三跋

疇昔頻過地鄉山一握青幾番領韶濩曾許和盆瓴古寺
虹猶耿荒莊髮已星墨緣重到眼如讀報恩經

張芥航河帥

井

得漢銅鼓送焦山寺屬同作詩

河隄使者江上來松寥山下旌旗開手持法物獻佛地要
與周漢兩鼎相追陪新息銅鼓震絕域武鄉銅鼓畱炎隈
不知此鼓鑄自何氏手惜無款識供摩揩或云跼江心
寶置此洪濤百面春喧厯藉壯風聲懾蠻部神物終不甘
沈薶或云俚獠俗樂古僛佻敲鏗振遏憑簪釵葫蘆笙雜

海羸殼樂君謹動仗茲傑爲魁千年金精化鳴蛤地底躍

躍聞春雷綠沉翠駿忽到眼蟲魚瑣屑蟠青苔證之虞書

虞喜志林李記李昉太平廣記史佔畢史繩祖學齋佔畢斷爲漢物當無猜銅

花斑爛製詭麗繡腰墓耳紀實良非談焦仙有知或長嘯

炎精往事重徘徊諸天龍象力呵護自免躍入八桂銀濤

堆粵西圖經載馬援自交趾歸舟載二銅鼓躍入八桂江中我贖玉帶鎮山寺承公題

句英瓊瑰帶猶近物不足寶爲山增重微公誰叩舷作歌

淵淵出金石媿我細腰聲弱如薤槌海門銅鉦掛高樹雲

霞照耀金銀臺靈鼉吼空蛟鰐避波瀾永奠江河淮公莅南河

慶安瀾者
已五載矣

同朱蘭坡吳棣華王香湖游虎邱雲巖寺

白公一月一度至而我四年始來游魯公一別五十載而
我卅年三艤舟宦游何能刻舟劍但悔昔未窮冥搜今茲
登峯甫造極況復三益偕名流入門澗壑禁蛙黽上方棟
宇紛龍虬劍池陰森白日暝石座卓濶千人稠王家琴臺
塔勢壯陸家井榦泉眼幽雖無僧彌杉貌怪尙有朱劬花
枝樛靜觀齋前最佳勝背山更豁塵中眸始悟海湧名副
實雲水直接天東頭所聞果不逮所見誰知我見翻殊尤

褚彥回調凡人所稱多過其實惟見虎邱則逾其所聞語見吳郡志

壓倒尊盃占測量胷腹辨欵識山僧方訝非凡儔聯吟詎

止皮共陸訂訛漫擬趙與歐入山勝緣自矜詫出山古意

猶縈畱清娛底須載佳麗憑弔亦不煩牢愁塔影舊園好

亭榭壺觴草草供麇酬是日飲於白公祠墨緣游蹟乃巧

合畫圖四閱庚寅秋舟中適攜楊无補白堤秋泛圖為順治庚寅年所作卷首有顧云美分書

題字卽塔影園主人催詩已休修月手棣華詩先成紀事難步鈞天謳遮

莫重來沈恭子拍肩松石談殷周

虎邱古鼎歌

虎邱寺中有古鼎其色深黝質甚厚重以建初尺度之
高一尺六寸弱口徑一尺八寸強腹中有文曰惟正月
初吉丁亥王子吳髡其吉金自作飢鼎其咎壽無謀子
子孫孫永保用之凡三十一字按此銘載薛尚功鐘鼎
款識題曰王子吳鼎蓋周鼎也髡卽擇字薛書卷首所
列商鐘凡四周器自許子鐘齊侯罍鐘下並有擇吉金
語字皆作髡與此合晉姜鼎作取乃吉金擇與取義同
也近錢梅溪釋作羹尙可通說文羹賦事也賦亦有取
義見左傳僖二十七年注又昭二十九年傳遂賦晉國

一鼓鐵以鑄刑鼎是其證也惟梅溪又云或作樊吳王諸子之名卽諸樊此則未免臆造古無以國繫名之上者其不辭亦甚矣飢鼎食鼎也周威君之飼鼎音義並同叔液之饋鼎宋樂之餽鼎義同字異耳鼎旁有若干字者考古圖直釋爲飢鼎薛氏言鼎字字書所不見千乃銅省與鼎合文言作飢銅鼎耳按古言銅鼎是二器聘禮於陪鼎之後繼以八簋四銅陪鼎設於西階前銅設於堂上二者絕不相混故鄭康成禮注第以銅爲羹器不蒙鼎名自賈公彥始臆以銅鼎爲陪鼎薛崇義三

禮圖且沿其誤於薛氏又何譏焉程春海祭酒釋爲𪔐字梅溪亦同似勝薛釋然爾雅圖掩上謂之𪔐以鼎形攷之未見其合古文鼎本作鼎若同一移上於旁則如字釋之亦得惟明人字彙補有𪔐字卽據此鼎音千古刊切謂本三倉按孫淵如觀察輯倉頡篇刺取三倉字畧備余嘗爲增輯數十字皆不見𪔐字未知字彙補所據何書但焦氏竑石鼓歌有云辟雍橫陳雜𪔐𪔐竑號博雅且字彙補係補梅膺祚之書竑年代尙在膺祚前亦據此作𪔐字矣謾薛釋作謀似係刻誤程云謾欺也

無欺言有徵信又甚忌也無忌則耆壽無有害之意案
許子鐘亦作萬年無謨鐘鼎中謨字惟此兩見而已竊
謂無謨卽臺萊詩之無期古人凡同音及雙聲字皆借
用經典中不可枚舉卽如禮記射義之旻期釋文期本
作旗謨訓詁謨而漢書李陵傳注引服虔說乃以人姓
之媯爲之則借謨爲期何不可乎至永寶用之寶作保
者考古文寶本作倮易繫辭聖人之大寶曰位釋文寶
孟喜本作保史記中凡寶字皆作葆葆亦通保見禮記
不樂葆大釋文許子鐘作永保鼓之楚邛仲鐘齊侯鍾

鐘言肇鼎楚姬匝楚姬槃孟姜匝皆作永保則寶保古
通可知也顧潛虎邱志載寺中有古銅香爐一具卽此
物曾數轉入人家乾隆間始復還寺今寺僧十八房輪
直守之未嘗輕以示人亦莫有過而問者余以公餘邀
朱蘭坡宮贊吳棣華廉使王香湖郡丞就僧房觀之尙
實灰於腹也因詳加審眎稍爲疏證同賦詩以紀期與
焦山鼎並顯於世云爾

虎邱山中孕瑰麗翠墨貞珉塞雪際大業碑搜智聚銘元
和塔勒崔恭字豈知至寶不自炫丈室深藏三代器三千

年餘孰處守未入姑蘇金石志金精虎化魚腹沉夜夜空

山騰寶氣老禪不知何氏物局鐫僧厨作珍秘新安祭酒

始問奇程春海吳越王孫復析滯錢梅溪樊或說本無徵吳

虞通訓亦姑置朱西生謂吳古通銅鼎合文說已鑿誰復

干音證字彙當年博物顧文學但說香爐重佛地鈎摹偶

佚宣和圖轉徙徒聞靈谷寺見虎邱志重之不滅焦山鼎朱竹垞

瓦研惜哉朱十闕題記焦山鼎顯此山晦鼎之顯晦難自

致龜巢山人不可招元謝龜巢有蘇州萬壽寺銅鼎也新城

詩老更誰繼我來訪古偕勝侶別有殷懷托遐寄此間窟

穴易銷金合仗吉金鎮喧沸雲雷隱隱龍蜿蜿壓盡筆琶
掃珠翠要還廬山真面目更辨薛家舊欵識腐儒所急世
所嗤差免山靈笑俗吏剝果蒙泉須護持留鼎稽機久髣
髴郡志所載古吉金祇此二事今亦不知所在從來人事如轉燭壑舟莫憑大
力掣慎守寶矣視此詩道光上章攝提歲

爲楊芸士明經題韓蘄王翠微亭題名拓本

紹興十二年清

涼居士韓世忠因過靈隱登覽形勝得舊基建新亭榜名翠微以爲游息之所待好事者三月五日男彥直書

舊基新榜待游息閒情大書復深刻隔年口已不言兵飽

看西湖好山色靈隱寺前雲意停齊山半上翠微亭攜酒
騎驢客不返尙餘石色磨空青高歌一曲南鄉子地潤花
明春旖旎不借胭脂點綠苔但署清涼老居士子溫髫年
已工書牽衣撰杖歡有餘他時進御水心鏡此日從游卯
角繻岳家孤兒顙天泣韓家父子同棲逸可憐等是尋芳
人滿面征塵獨哀咽經年塵上滿征衣得尋芳上南山
椎盤愿妖氛此石蒼涼伴夕曛六丁夜瞰光耿耿一拳猶
屹背羗軍我曾南園肅祠宇重上靈巖拜封樹余因葺滄浪亭並新
斬王廟今秋復同時好事又逢君神來更認亭邊虎雲士
議修靈巖墓道於道

光戊子夏得此石於
靈隱山半麓莽中

送盧厚山宮保

坤總制兩湖

道光十年冬福星轉南紀名賢開府來三吳
頌聲起下車甫再旬自

天馳詔紙連圻江漢上旌麾忽西指惟臣矢公忠惟
帝善任使懋官復懋賞恰如衆所擬樹立徧埏垓風聲浹
遐邇泰山片雲飛霖雨八方喜

公從嶺南來裝無璣貝飾傳聞嶺南民棠陰頌嘉德公昔
理邊事糗糧貯軍實連駝萬里外飛芻裕供億天西兵又

退菴詩存

卷十八

五

動元戎再籌筆耿耿報國心中夜看太白小醜何足言
方鎮治孔亟卓哉韓范勲中外並宣力

自公莅江南拯俗蘇癘疲頗嫌吏才缺激揚備設施爲日
雖云暫沛然化如馳仁心發仁聞已入人肝脾公去一何
速公來一何遲汪汪江上波霽雲紛下垂同民豈殊化到
處春臺熙顧瞻武昌柳瑞旭明旌旗

往余視東臬述職京華辰謁公里第間風俗殷訪陳大臣
志胞與不以畛域分貞居負宏量兼濟天下民吳楚壤地
接有脚同陽春願謂舊所莅下問心拳勤涓流益河海曠

望迷涯津維藩實時棟庶堪備咨詢

謂鄂藩林少穆

送陳芝楷都轉赴粵卽題其滄浪話別卷

賦漕三吳最帆檣兩度開繡衣河上轉

丹詔日邊來膏已濃郁黍調堪作傳梅由來經國計都

仗出羣才

淮鹽凋敝極嶺外果如何海近潮通易場寬日曬多防奸
非束縛立法戒煩苛淡泊平生志何慙來莫歌

洵美江南地同官閱四周勤民商利病問俗采謠謳再到
看持節頻年仗借籌似聞吳父老棠爲大夫畱

一曲滄浪水同題子美亭清池沿榭碧古木接城青別浦
帆初挂離筵酒易停素心期共證雲路有修翎

題齊衣閣觀察

嘉紹

青燈有味似兒時畫卷

霖雨篇家足典型醉心偏在一燈青卅年宦海歸帆穩待
暑齋名老復丁

記曾溫室後塵趨重許江城接道腴我亦秋窻思補讀羨

君先有載書圖

王漁洋歸田有載書
圖卷各流題詠極多

題孔荃溪方伯

昭虔

繪聲琴雅詞後

紉蕙攀蘭意最妍詞源要涉變風前自從樂府傳新體兼

取離騷作外篇才子文章花散雨美人消息月生煙由來
雅鄭須裁別聽鼓瑤琴第一絃

早歲聲華滿

帝城簪豪餘事賦閑情酒邊顧曲周公瑾燭底修書宋子
京廿載浮沈憑宦味一編諷詠尙儒生不妨茗翠工游戲
自有長波掣海鯨

澄臺蒼莽眺瀛洲擊楫歸來擁傳游島外月華臨靜夜關
中雲氣入高秋江山萬里歸吟嘯閨閣雙聲洽唱酬今日
旌旗湖上駐詞仙端合領杭州

退菴詩存卷十八

七

四聲清濁辨微茫鐵板銅琶漫擅場別派祇今稱秀水雅
音終古屬鄱陽野雲散後全無迹寒月飛來自有一代
色絲推妙手更繙新譜按宮商

毘陵舟次連日大雪誌喜

快雪果如願扁舟方灑然好隨時雨後剛及早春先逢重
寒初覺窻明夜愈鮮行行聊可慰不爲歲華妍

漫說天工巧誰知神理超清堪氛祲壓潤到鬱攸消

時吳門冬

燥火警

頻聞轉漕源先活徂畛澤已饒五州同一概那不感明

昭

今冬江北各屬先報得雪江南此次始獲普霑

短棹客稀到蕭閑如放衙枯吟偷禁體薄醉眩狂花衝凍
帆無力粘天岸不譁頻年感形役祇益鬢毛華

彌望同雲積連朝蓋地平敢誇豐稔象猶軫怨咨聲孟瀆

役但始京江渠未成

孟瀆三河及徒陽運河皆已刻期興工爲雪所阻

勸君且堅

忍鐵甲念邊兵

時西陲尙未撤兵

和嚴小農河帥畱別韻卽送歸里

隄堰隆隆歲月侵中流砥柱一身任艱桑以外書都熟潘

新而還澤並深福命厚能關國脉股肱瘁已感

天心東南僚庶齊攀頌可許抽簪竟入林

十一年來偉績留

公歷督東南兩河保安瀾者十一年

不聞楚玉駭防秋心

緣謹慎方持滿政得廉平自迓床千里黃流桃浪靜萬行
緣蔭柳絲稠旂常勲重歸裝薄琴鶴圖書恰滿舟

袁江贈句記移官六載懷中字字完對酒更看顏赭好觀

河早慨鬢絲寒

襲余由淮海道擢東臬公以詩贈行有相看各已鬢如霜之句

山巖位置

公原熟泉石襟期我尙難不是

至尊優詔許可能容易說心安

風雅歸來作總持舉國水木繫人思

公所居里第名臬園擅水木之勝

濃

花村墅聽鶯日小雪湖隄放鶴時

北闕夢回應有戀東山臥起詎能遲頤和便是丹砂訣早
卜珂聲赴

玉墀

原作有急覓丹砂尙不遲之句

和陶宮保登雲臺山韻

劍履平躋鳥道開真看策馬上雲臺

河上舊諺

金天跡自都州

滂玉局詩從海市來路仄千盤披風霧風迴一壑走晴雷
鯨波清晏鴻磬輯麥隴旌旗亦壯哉

金牛絕頂列星捫海外山如繞滕孫沂沐波痕環帶礪方
蓬雲氣合晨昏東封嶠篆渾無迹北戍鷹游尙有門指點

田橫孤島上耀兵喜接凱筵尊

公以閱兵過此適楚南有平遙之捷故云

桑海蒼茫閱歲年尾閭奠定此巍然潮來萬里聯沙磧岸

列三場闢鹵田已裕征輸齊相筴

時准北試行票鹽

況兼賓從庾

公船

調鄒公督謝默卿諸君

遙知葱鬱胸陽路擁籌歡承德意宣

十年前憶海壖行祇聽仙巒鶴唳聲

余官淮海道時以按部過此山下而未暇

登眺至今歉然

遲我三神空在望招人九曲奈多情

余曾屢游武夷時將引疾

歸里故及之

乞湖自亟歸田計生嶽應推命世英瑤草琪花隨

地有紫琅聞更待駢征

時公又將閱兵通州

題沈敘軒觀察

惇彝

茗溪歸櫂畫卷卽送其行

黃河水濁淮水清繡衣使者官有聲
袁江水渾蒼水碧人海抽身挂帆疾
北風雪霽金閨門虛堂話舊溫朝暾
自言倦飛合斂翮江湖廊廟皆

君恩千里扁舟伴琴鶴到日酒尊開
下若元真從此狎煙波幼輿豈果宜
邱壑蒼弁之陰深結廬左圖右史閉
門居雲山韶濩有高詠時與野老賡
磨虞嗟哉此樂吾弗如薤鱸之夢無
時無乞身何日果歸去滿眼迷離鄭
俠圖

今年夏杪

余因頭風請急旋以
辦理灾賑不果行